

重刊道藏輯要

礮溪集

又胃集三

棲霞長春于正處機撰

七言律詩

秦川

秦川自古帝王州景色蒙籠瑞氣浮觸目山河俱秀發披顏人  
物競風流十年苦志忘高卧萬里甘心作遠遊特縱孤雲來此  
地烟霞洞府習真修

礮溪

故人別後信天緣浪跡西遊住號川宛轉風塵過萬里盤桓巖

道藏輯要

礮溪集

七

又胃集三

谷泊三年安貧只解同今日抱樸疇能繼古仙幸得清涼無垢  
地棲真且放日高眠

礮溪鑿長春洞

峩峩峻嶺接雲衢古栢參差一萬株瑞草不容凡客見靈禽唯  
只道人呼鑿開洞府羣仙降鍊就丹砂百怪誅福地名山何處  
有長春卽是小蓬壺

幽居

臺邊水谷尤清曠野外山家至寂寥絕塞雲收天耿耿空林夜  
靜月蕭蕭揚眉瞬目開懷抱散髮披襟遠市朝自解偷生巖嶂  
窟誰能闡化法輪橋